

左
忠
毅
公
集

左忠毅公集

桐城左光斗其之著

五言古

山居

隱者必以地巢許不買山隱者不以地巢許箕顙間
我愛大隱人十畝嘗閉七豈無風雲姿不涴水雲顏
有亭環灌水好鳥時綿鸞龍友紛相携鴻寶手親刪
頤仰懷松楸自雲相與還在陰托芝芬五色自爛班

爲樂貴及時逸駕杳難攀一朝委荆棘使予淚潺

題金氏雙壽卷

我聞雲橫山出高萬條咫峰七宅仙靈玄熊守臂把
戴勝忘春秋蘄苓長孫子欲往介金婺疑我金婺是

早秋讀書竹林自述

寂寞太冲子石卜愚公谷別築閒林陰曲徑盤修竹
甚七秋天長矧七秋氣穆日晏足高眠報道晨炊熟
憑欄數覩天蒼蒼承理新沐楓葉澹初黃旗茗烹嫩綠
簪頭拭遺編琳琅一再讀激揚芳麓雕蛇轉枯枝頌

儘校不爲讐得意隨手錄貝葉時一繙聊坐禮天竺

禪

天竺

無花平石床有牘連茅屋倦即拂枕眠醒復憇穴木

兒童狎至前客子來不速送迎總在門徃來皆大陸

非寂亦離喧雖雅頗近俗何當薄暮時澄天淨如浴

松聲咽管絃荷花裏馥郁暝色奔不停牛羊紛七逐

對景得新詩把盡傾蘂麴長歌誰與言息机吾也獨

壽孟芝軒太史尊人

中條有佳木云是古冥靈春秋不可問但聞千歲苓
有陰托鸞翮流潤皆龍形我欲往從之仙風爲冷上

頤曾年伯七十壽

有序

同年曾公奭爲其年伯乞七十壽言予素不能作無情之語久未報命一日春雪霏霏索原狀架上得趨庭之訓曰寧孤行一意毋寄徑它人之語撫案起曰壽翁者在是矣急命童兒燒燈疾書之盡酒一升而就清時苦無骨濁世苦無目無骨只依人無目喪其獨我恩古之人中行而獨復孟津八百多首陽兩人足肯以我叩馬輕猶彼逐鹿當持豈不願千秋仰芳躅

此語久不聞聞之堪一哭世出壯間法片言轉其軸
有子真夷齊如翁真孤竹如何對梓蔭不令思喬木

題友人卷

我聞巫咸氏復聞歐絲野耕織罔所須衣食多優暇
旣已無艱卒亦復無教化眷彼徐之翁詩書起躬稼
不寧開子孫永勸來者駕

其二

龍蛇在蟄時往往風雲護何況神明人而無天祐助
無耻尊足存塞翁真不誤玉汝亦何勞行矣翔天路

其三

崧山有流膏者處結珠顆黃帝旣以饗君子以禦禍
積善貴積源真脩戒無頗照者亦非熒明者亦非火
美哉雙璧人取券豈云左

其四

小盜盜如鼠大盜盜如虎鼠竊猶可防盜殘不可吐
嗟哉南海民賴翁得安堵翁去權使來荼苦十倍虜
螺蚌無生胎波神無寧宇何當叩至尊令珠安合浦

與元中道丈偈

有序

長生未暇學請學長不死此

蘿子瞻之言也蓋言不死則無生無生則無用長生是則是矣予更有說焉不死如何可學當有不死法尚在生死中如何了生死且問生是作麼生死是作麼死截然若兩般茫然無了處易有之曰通乎晝夜之道而知知此者可以知生死之故知生死之故者可以長生可以長不死予爲作晝夜說以貽元忠道丈且就政四方之有

道者

向曉便爲晝向夕便爲夜晝覺而夜寐與時爲代謝
晝夜無短長無喜亦無怕凡夫安所習悠悠與物化
若使夜不旦畏夜如畏罔若使昧不醒誰人肯寐者
生死復如是千古旦暮也至人通知之一不是二
日月自代明逝者長不舍真則夢亦真假則覺亦假
但要證嘗明誰信元不夜無斷更無續不欠自不借
此中但明了一齊都放下若遇仙佛祖當先遭呵罵

咏懷詩示劉西谿宮諭

芳樹臨華池其下多芳草埃風吹歷亂嚴霜亦何早
芳草旣已摧芳樹亦云老宮中有佳麗儀容多窈窕
封狐競妖冶蛾眉不自保青蠅點白璧棄擲何足道

其二

飛塵避白日天地失其明曾參不殺人慈母胡不驚
願廻若木光一察葵藿情墉鼠牀下語蝙蝠梁上鳴
黃鵠摩青天不與世相爭哀哉險側子用心何忤忤

其三

老狐戴髑髏夜拜北斗神綏綏曳長尾頃刻化爲人

我有龍穎劍欲殺投水濱丈夫報國家鴻毛安足論
擊之一不中徒爲鼠雀喚多彼寒蟬輩教我守沉淪
其四

玄鹿遵長林白鶴舞晴雪山中有神人避世修隱誤
呼吸通神明坐對忘寒熱出世君何長入世我何拙
煩師指病根迷途頓悟徹長路進雙履霜飛水凍冽

別同鄉赴詔獄

斑馬鳴蕭蕭長河水潏潏岐路一尊酒行者皆聲失
念我平生交執手如膠漆子弟各依依啼呼向落日

幼兒尚嬉遊不識六與七舊德無足存生還未可必
天王本聖明衆女善姪嫉臨風從此辭孤臣委漢室
流離戴君恩努力全臣節直道不可爲微勞易過
切安得浮雲開與子歸衡泌

七言古

題東谷先生山莊

子生之辰苦不早父老猶能說鄉老鄉老顯者鬱相
望德行無如東谷好東谷先生古隱淪結廬直與杜
陵鄰十里綺疆分地巧千年古木拂天勺乃翁拮据

復不小爲亭杳靄更天矯載陽春日鳥關關清夜月
明濤晶晶人言亭榭多瀟灑翁有餘悲托松梗血淚
頻添翠竹斑白雲時起龍鱗下龍鱗下有千秋苓千
秋魂魄歸斯亭少陵已沒杜陵改居人定復指環青
子不識翁識翁處識翁之孫名侍御善哉瞿所一歎
歎低回懷之不能去予之視翁不翅曾有女新尚翁
之仍琳瑯鄉玉樹干霄漢亭榭區區安足憑

贈嘉州君

一自蠶叢入漢墜蠡爾首蠻時內窺釋法匪法勦無

奇至今怨開西南夷西南夷開不足怨制馭往往失
方便天子威信何曾敷堅子邀功輕索戰一將功成
萬骨枯介子鄧都終武夫貪天倖勝非長策不幸身
隨國與徂千秋僅見嘉州君先聲早奪千人軍匈奴
未禦子卿節司馬喧傳諭蜀文一時星羅并雨泣不
遺一矢氣妖戢功成長肅不受名但醉燕然恥勒石
可憐播孽至今橫西夷十載苦談兵南倭北如沸
羹請兵請餉無寧程封侯進爵何崢嶸安得如君天

下平

八老歌

元氣混茫區宇劃人生電火紛迫窄昨日白首今婆娑曉日高歌夜寂寞所以竹林有七賢復聞飲中有八仙左慈舊隸群仙籍王氏頽頹緜嶺巔人生不飲亦何爲聽我長歌八老篇順翁鐵面聲璘七抱囊茹芝太古民脫身珪組徑逃秦白雪盈囊泣鬼神荆翁四壁與七尺杖策支離閒對奕種樹號花差有癖頭上進賢輕一擲成翁子頃度注七願除步兵侯醉鄉多情多態薄東方子雲鄒琳琅鶴翁鬚眉如戟

復如雪炙穀談天錯玉屑一嘯使人意自契鳳毛徃
徃稱三絕臯翁綽有藍田風西園飛蓋坐從容瑤池
會上少年雄傾貲百萬耻素封大伯英雄氣食虎神
理徒存失羽毛封胡羯末時起舞胸中磊塊貯今古
二伯膏肓在石泉閒理榆錢種秫田堂下唔呻堂上
絃牙籌終不礙超然吾翁荏苒百花底半生生計藥
苗裏抱朴疑方稚仙是子孫還與郭公比歌罷颯颯
動簷風浮雲黯淡氣冥蒙白日自西月自東楊花自
碧蓼花紅請君爛醉枕新豐終期控鶴上崆峒

報國寺看松同李懋明御史鄒匪石吏部

梵宇紛披松十圍龍鱗高掛鶴來歸擁護天闕心獨苦涉歷冰霜勢欲飛寒柯再放伸勁鐵皴皮細蹙姿態裂怒枝雲霄敵蛟龍老根連蟠纏霓虹霓清風吹散何蕭騷妙音衆樂生波濤碧雲秋影橫僧榻金粉春花點客袍我聞廬山之松叅天起孤高挺秀吸江水天柱龍山遙相望爾我貞心毋乃是長安遍地桃李花笑他天冶擅繁華五侯七貴爭相看歲寒誰爲過君家與君手挽長松株向僧還索長松圖安得携松

置丘壑遠避如今五大夫

哭萬元白工部

黃幕四塞遮剷北浮雲滿天蔽白日道上狐狸走入
宮壯士聞之聲慄慄西江萬人真人傑手攬斧柯伐
三蘖上疏直數中官罪一時羣小皆咋舌胡爲矯
旨杖獄中血肉淋漓聲音絕義士揜面各吞聲不覺
睡壺盡擊缺果然恭顯殺賢傳中朝之事尚何說我
有自簡繼君何能已與君同遊杖下矣丹心留在天
壤間沒沒之生不如死

獄中同楊大洪魏廓園顧塵客周衡臺袁熙宇

夜話

噫嘻哀哉當今之事不可問誰信慷慨回氣運長安
猛虎盡食人霧蓋燕雲十六郡我欲呼天天高不可
呼我欲告人人心毒如荼臯陶平生正直神辦香可
能悉其辜夜來牀頭生芝幹如鐵不在李膺之前則
在范滂之側英雄對此益增奇天地愁之失顏色噫
嘻吁嗟乎明月餾于天高山崩入淵如何長夜如長
年安得魂去飛翩翩上與二祖列宗訢其緣肯教

鸞鳳獨死梟獍乘權

五言律

九日懷親

故園秋每好三載滯歸車問節驚初度思親數歲華

場應升晚秣霜漸老寒花莫便登高望蒼茫思轉賒

壽伯兄五十

老大看余伯追隨似昔時衰從今日始非自幾年知
秋色驚加瘦黃花發故遲莫辭桑落酒原上正參差

小築

卜室龍山下蕭七只數椽客來頻石坐鶴唳欲飛天
花竹分鄰圃栽培問長年月明乘興返曳杖度前川
築成無花

避俗聊爲爾蒔花未可圖秋風當晚落黃菊好開無
拳石淒無色雕欄勢轉孤春光應爛熳竚想欲狂呼
九日遲赤城不赴有作賦答

似爾情耽放偏余禮不苛一觴遲老友隨意出新歌
山水樽前合風流醉後多東籬與北郭秋色定誰過
吳繩之有約不尋詩以徵之

客裏誰相召愁懷直到今狂歌驚驟雨瑤瑟待知音

一再占庭日悠然見汝心轉憐與色好無計破孤岑

閏九日集方孝廉館公以九月初度

令節重逢九揆辰閏亦稀秋深菊較盛霜重蟹全肥
醉客驚非昨登高願尚違坐貪梧上月露濕未言歸

題邢子冊

薄俗誰當近君真大隱人眼前俱鹿豕生事信風塵
醉敢辭同俗窮來有一身轉疑吾道拙卜宅就伊鄰

題唐子壽母卷

我亦爲人子憐君遠壽親明星縣寶婺佳氣鬱庭筠
未幹方升木無文旣隱身遙知歡舞絲滿座繞陽春

王化卿方玉成共游浮渡永夜有懷

秋入浮山好興言已自饒詞人清金往松月淨相招
色界空中靜窮愁醉裏消愁余雙屐齒咫尺一峰遙
與玉成言詩郤贈

雅道今歸爾詞壇見幾人自慙毛羽劣翻費齒牙頻
薄俗殊無賴交情此獨親典刑欣有託唱和一時新
飲吳客卿太史得遙字

大雅看如此相從幸不遙主人情好客侍子慧傳謠
帙散風爲展詩成蠟再燒黃花新釀近還得一傾匏
壽家君六十

生我今三十知年是六旬班爛將野服祿仕本居貧
大藥扶身健諸孫繞膝馴奇情雖一壑猶得戴皇仁

出烏石巖

漸喜塵囂遠旋驚野色明鳳山青欲送桐子鬱相迎
場圃牛羊下邨籬雞犬聲幾年還薜荔底事悞浮名

出孔城

歸途曾滯此三載又重過都巷還相識兒童拍手歌
片雲高岫出荒日古城多去住身何主驅車晚渡河

過浮山二首

五載浮山路經過復此隈芙蓉當面出嵐氣繞輿來
丘壑吾將老風塵爾故催最憐秋色遠行矣首重廻
其二

未卜吾廬處偏憐此壑宜好山圍四面曲水繞千池
寺隱僧時見源深客自疑不堪樵牧問應動向時悲

近家

故里經年夢還家此日心營寒驚往俗問道得鄉音
依月鳳鄉塵勞興峽中深入門應共笑相對一抽簪

延諸弟試音

夜起魂難定行吟再展文我疑皆失學人或擬空群
雁影寒江並燈花永夜紛幾時欣握手酌唱壯風雲
過玉峽山莊用五歌韻

山守閒何日追尋逸興過源深忽到水池小欲含波
凭几松濤遠聊林綠翠多尚期春柳濯把袖爲君歌

山居謝山人過飲

念爾山無色相逢闔市間添爐遲白雪出旬見青山
春好還通屐樽慳畧破顏同游惟我共不許厭躋攀

君節玉成夜過分得晴字

最晚交情愜稱詩頬主盟陽春慙唱和長夜得分明
雲岫連鑣好霜風入酒清醉歌一翹首西月送新晴

雪霽道中口號

出郭舒新望寒帷對夕暉潔雲留野樹晴雪照寒衣
臘近梅爭放春生柳欲歸何如川父適高且掩柴扉

已霽天猶雪離心樹欲低寒暄衆壑異向皆一溪迷
凍犬迎人靜儻鳥下食齊攜牛郎父老驟背近牆西

廿八日飲齊越不宅得晞字

春歸纔十日春色已輝心風欲催人面寒仍上客衣
花事游先計年華景漸非言歸應盡醉莫問露曾晞
除日訊謝山人西寺二首

歎爾長年困前途路轉迷羈栖依病衲操作頰荆妻
歸影將無醉排愁合有題平生關切意歲晚轉淒心

其二

兄弟動相念君貧日更增計寧謀食把道自固窮能
野外春陰寂街頭酒價騰倒囊無長物買醉共山僧

穀日飲鄰翁

入夜雨濛七侵辰日漸融潤知春隴足占得歲時豐
艱食身何慮閒歡酒不空鄰翁深命醉欣賞亦應同

其二

愛客鄰家叟翛然一古翁勸酌隨意到語笑仗人通
述舊存士半許時得失公肯呼頻共飲相隔只離東

君節罪嫁有作

歸女營曾竟啼兒淚不乾世多勞嫁娶君更屬艱難
瑣屑隨人面周旋爾婦歡一嬌吾漸長先此欲肩攢
同巾隱訪不貪伯懿繼至

聲氣相憐久風塵一面乖到門隨酒盞卽席總吾儕
暝色催飛輶佳人駐別懷臨岐重取醉勝集幾能偕
別化卿入礮玉峽讀書

破累長爲客歸山且避諱人騎依鹿豕道曲信龍蛇
結習文章苦清音山水遐尋源吾路熟定不誤桃花

入山志感

棄世將何寄偕人百未能隨方沾忌尅是物動嫌憎
名豈于神理空曾授老僧一團吾自分猶致青蠅

生事

生事長如此悠七祇自嘵及聞責負苦到耳婦言頻
掃徑心徒切緘門懶是真幾捻書籍賣留待送昏晨
送賀景崖還丹陽時大小戴繼殂

置爾非無地偏茲得大群艱危還伯仲氣色各風雲
漸覺晨星落重驚水國分眼前無籍在別酌不能饁

園游

不乏名游處幽心懶老農樵花蒔野菜繞屋種長松
舊慕吾廬似蕭疎爾輩從莫辭深酌酒那得數扶筇

送友人

可惜春明道春光三月間故人何事別行色有餘閒
言上五臺去經游二寶山何如僧結侶獨往悵難還

病中七夕

微雨灑庭柯涼風此夕過天如清漢渚神亦愛凌波
巧婦深七乞鳴蟬夜七多一疴遂數載吾久愧星河

九日對月

亦自尋常月貪看轉覺新清依雙白鶴照定一愁人
對面慙思婦低頭愧覽辰年比當此夕小酌共雙親

同中隱訪化卿談禪

滑嶺來容易慈雲出不輕經秋纔一面索處可爲情
肥瘦驚相問存亡歎屢更坐深聞妙義近得解無生
化卿別後復別蓋卿

不堪搖落盡次第故人行老淚乾南岳柔腸斷赤城
伊威侵素榻黠鼠上殘枰門外偏車馬將迎不羈情

九月懷方玉成

生事何爲拙深秋滯爾歸流離淹壽郢作客耐寒饑
命豈文人薄窮嗟世眼非故園又重九無意蟹魚肥

嵩墩嘴夜宿

薄酌寬能醉寒燈晃不明苦吟邨媼厭無寐旅魂清
囑園勤宵秣呼兒試早晴聞鷄先接浙客路少嚴更

醉星士祖餞麻山

積雪親知斷衝寒季主來到門欣問訊稱客有佳醅
大澤龍蛇動初春梅杏催窮通君自問一笑在燕臺

寶樹庵與松公

恰可櫛初地千峰一室藏誅茆和雪蓋種栢與檐長
苦衲刪三衆玄經只數行便疑超器界不復問西方

其二

幽偏真此地冠蓋幾能登客到疑驚犬情忘好伴僧
三餐分半鉢一榻下枯藤咫尺松風下相從說未曾
閣楞嚴畢遂征車比上別松上人

本踏紅塵去翻爲白業畱從公無碍舌還我旣狂頭
溟海同圓印青天接法流病猶防隔日妙藥好時救

其二

到此巖頭熟其如歸路生戀人偏侍子逼我是浮名
一壑吾將老千秋爾共盟世途真可畏勿過虎溪行

雨宿

小雨疎林淨虛堂老衲閒夜深官燭短病後酒杯慳
起和確聞啄行看窗外山一聲鐘磬寂明月滿陵間

入陵

小雨忽新晴今朝白眼明九陵青一槩萬壑鬱相迎
恍接風雲氣真從龍虎行飄々忘所適回首失昌平

九龍池

削壁嵌山幽池平過雨收青天萬馬驟白日九龍游
湛影涵金鏡深源接御溝萬年芳澤在不獨共藏舟

長安口號

亦自稱中翰何曾博大官汗能渰馬臂飽不足猪肝
衣破還須典冠陳且耐殘休猜作兩般不是這般寒

其二

自不預人事門閑也自闢經旬一報謁長日是深山
貧病差相稱兒童不耐閒昨宵新謫放報失兩長班

其三

薄宦凶年併長貧百口兼虛傳高位俸不養小臣
過雨爍錢長將炎水價添可憐官樣子博得自家嫌

其四

曼倩儂儂能慣來安臥且便偶傳百斛米載得大官船
妻子牽相笑凶荒尚可全更聞捐俸詔不到小臣邊

其五

名色同稱省行頭揀一竿偶然呵道吏跪得守門官
世態真堪笑優場聊一觀焉知輦路下不作武英看

其六

不渡侯台安加餐字也難小書無一部兩腕不曾酸
視篆連聞換新官疊報單就中些子意眼見俸錢乾

其七

一日何曾醉清齋竟月能家僅閒似鶴宦態冷如僧
世眼何嘗窄余心不可懲向來炎熱處今日盡爲冰

其八

明殺雙鵠鶴羞聞喚鳳凰何從一染翰原未侍君王
慶賀朝比至朝儀個比忙年來疎大禮典却舊朝裳

西山十咏

何異龍眠路所殊未有樵野牆藤作瓦村落樹爲橋
向背溪流轉有無山色嬌天風吹向夕浦路發松潮

其二

望七碧雲峰嶮峋萬石封一笏通曲徑數里發深鐘
種杏深成巷栽松盡作龍池潭清絕處尚隔幾重七

其三

到眼雲岑巒經行寶樹潔十年勞夢寐一日快登臨
瑞靄團金相清光入紫禁不須窮五岳只此是抽簪

其四

山市自成邱山家薄有垣花邊深繫馬柳外雜攜尊
痛飲醉佳節游闌見主恩日曛何處宿高桃老松根

其五

恰可稱禪居清池混太虛洗孟連密藻施食出潛魚
煮茗分新汲尋源繞碧除倘能分手榻不渡愛吾廬

其六

草錫杳難攀行匕不避曉花間賓主襟語次姓名通
峭壁孤松掛頽垣細竹濛老僧供茗椀小摘野畦中

其七

燈削天全濶梯蟠地轉牢一亭環積翠萬里見秋毫

白日入林礙青天過鳥勞自從經御蹕直是五雲高

其八

地主何曾問相逢但酒杯依人憐薄宦戀我是香臺
婿嫁期難畢風塵眼暫閑岱恒清咫尺極望思徘徊

其九

問佛何年臥祗今猶未醒世人爭一覺吾道本沉冥
柏子原無改娑蘿依舊青山僧殊不解強自禮遺經

其十

又復悠悠去翻憐草匕過源迷疑不再鄰接竟如何
新句攜囊少清思入夢多堅懷奇絕處歸語舊鳴珂

憶親

賤貧奚不適何事急兒官老眼燕雲破鄉心楚塞團
屢書聞歲儉多病况秋寒欲擬雙輿養無端去住難
憶子

柱子今過歲書來數報奇岐嶷通語笑文弱彌追隨
旅夢驚相喚春歸近有期兒應啼向父先此擬含饴

憶二女

弱女倍兒恤提攜並一雙逢人初試拜學刺半臨窗
親老偏伊慰愁多賴汝降至今孤館寂猶自笑聲嚦

憶內

貧家有拙婦頗亦禰寒暄供客饒茶菽生兒足犬豚
別來身擁蓋歸笑室無禪何日堤乙至清尊與慰存

憶龍眠山居

小築傍龍眠雲深一逕穿源窮纔見屋山盡忽開田
芋栗新裁得芻蕘任往焉笑余緣底事一別動經年
九日同友人閱武場二首余以是日覽揆

坐臥俱無著春秋總不知忽聞重九節乃是覽禊時
侍子當闢喚觀人立馬期便須強一出樽酒且追隨

其二

帝夢急非熊徵材萬國同重臣親作鵠多士儼臨戎
霜氣侵驄馬風聲怒角弓勲獻公等在吾亦厭雕虫

送林如初歸

老識長安路歸餘京路塵痕驢風雨滯短劍雪霜屯
故國饒佳勝相逢足隱淪有兒俱令噐應爾倦依人

秋日同陸仲開方胥成集李于玄邸中分雲字

不謂喧鄙裏清尊得共君招攜俱氣類
酌唱各風雲秋淨明河迥天高候雁聞江南懷此際游屐日紛七

送何虛白民部督餉遼東

鄉思正無隱君行更向東氏真寬杼軸劍已失雌雉曉日寒單騎清霜濕遠鴻不勞頻悵望我輩素心同

其二

風雪暗旗旌等邊此一行地官應特簡天子壯長城飛輓終無計隨田可勸耕會看方略上不獨慰呼庚

送劉燕及嶺南四首

把酒不能前問若何所遷蠻方鬼是國炎徼火爲天
小吏誠何罪驕人不作緣到時檢誦籍曾亦有臨川

其二

自爾矜行危偏余好服奇高馳能不顧此道復何疑
饑蹇有今聊難負夙期忍將新刻画倒置舊贊眉

其三

袞也皆兄弟鄉君獨此行羽分雙鳳闕心折五羊城
朝議方如沸人情正好兵無競是絕域君或厭春明

其四

最是宜人處偏宜是廣州梅花萬嶺雪桂子四時秋
舟有西施並門多鮑觀游從來仙作吏莫減舊風流
姚汝芳儀部之南

漸與龍顏遠仍將羈舌含世情競逐北吾道合歸南
聲氣還同舍熏猷仗盍簪莫圖無事北山水任情飄
送汪嘯雲之粵

久客無歸緒飄々又粵州過門能不入此世欲何求
白石終難煮丹砂未可謀從來歎客淚未免向人流

魏辟疆太學

西下多名士南來又魏生閲人雙眼白對爾一庭清
時事須高俊君家有弟兄莫因相識晚不與訂生平
王殊丈過書齋却贈

喜爾山中駕慚余野外供山雲交自好竹雨興偏濃
寂戶可蒼虎新文泣老龍芙蓉美七尺行矣躡高踪
與葵姪

鶴石鬱崔嵬青雲得妙才行文堪立馬作賦早登臺
劍氣天邊倚瓊花筆底開何堪凋謝後重見鳳毛來
飲友人

有興尋安道無金鑄子期一朝成雅集千里得傳奇
日耀波連濶風吹柳拂低夜分情不厭欹枕任如泥

其二

偏我情耽放期君禮不苛一樽清興足千載緒言多

絕澗藤蘿合危巒風雨過相看惟孔李不醉且如何

其三

大石君堪激清尊我共浮十年懷往事三載紀同游
煮茗風生竈持杯月上鉤豪華京洛滿輸與醉鄉侯

其四

寂寞彌山居雲深欲染除閑情惟種樹樂處好觀魚
鳥狎忘機外人眠一醉餘更多賢子弟揮塵聽吟書

其五

已盡千朝酒尋過百尺樓狂來歌欲舞風入夏疑秋
燒燭平分月移花半拂櫓逢君寬禮數山簡任風流

其六

好客憐居士操舟喜渡八平沙僂白鷺淺水照游鱗
日落鴉歸急風高雁喚頻漫言尊酒竟景色倍相親

遭璫逐道中感懷

豈料陰初盛沉淥晝不開傷心惟枳棘觸目長蒿萊
爭說朋爲正難令鶴作媒呼天問清霽直待有風雷

其二

幸未遭嚴譴居然許放還願難成栗里禍恐續椒山
空有安危計誰開語笑顏龍眠舊卜築長在汨羅間

其三

暖七浮雲障冥七妖祲繁疲驢衝道路破帽出都門
抗疏功全少埋輪志尚存君王如可悔幸有老臣言

別雙親赴詔獄

再別不能去中堂有老親著書成令子傳世學忠臣
逢難心猶烈居官家更貧白雲何可望回首盡烟塵

畿北道中士民攀檻車持金錢相贈詩以謝之
車指燕山道徘徊半故人相逢多下淚欲別且攀輪
風與畿南別情因難後真慙慙謝多士從此避囂塵

七言律

送齊重客從劉蕡及瓦黃

迢遞霜帆動客星一時白社忍飄零祇緣神劍貪相
合翻令玄亭冷自扁結伴潯陽雙眼白勝游匡嶽五

峯青定知馬隊非君事爲滯春花共醉醒

雪日玉成君節適過因同野眺分得風字

平明理沐將過汝不謂衝寒屐早通蔬鼎偶然來逸士竹枝聊復命歌童直憐踏雪臨深壑更與登樓御大風却憶薊門同客日滿天虛霰夜濛七

廿四日懷舊

風雨寒宵旅寺深濁醪清共老僧斟追歡強自隨燕俗忽然別難禁動楚吟十載浮沉餘傲骨百年生死總關心殷勤後婦能謀酒一酌沉冥不可任

除夕與化卿中隱共酌

荒庭曆盡夜猶長談笑依旣尚爾行賈島苦吟淹古寺長卿多病滯他鄉無營轉覺家爲累得醉須知客不妨華髮明朝者又改莫因牢落負春陽

除夕

華髮蹉跎逐歲添夜堂深寂燭花淹離親何異曾爲客拂影共如數步擔語笑懸知兄弟減悲吟真得婦兒嫌明朝驅馬城東去一顧春風舊酒帘

元日飲方君靜侍御

柳條拂曙縣鶯帖栢府乘陽發獸尊不謂書生叨綴
席灑從彩氣混諸昆襲祐媒玉輝七動映雨燈華宛
宛繁兢出鳳毛俱得歲可知春色爛君門

正月二日對雨

金花彩勝競晴明滿目陰雲四野橫元日先愁無望
日雨聲早已是春聲沾知弱柳行將動寒逗流鶯不
肯鳴獻歲空齋無一事舊編惟命侍兒擎

正月三日飲玉成宅得冬字

庭院深七樂事重雨餘滑屐更相從屯雲浙樹依城

濕著席寒梅照眼濃語燕流鶯聲漸逼遠山高闊望
全封醉來忘却經三日談笑依稀似去冬

送賀長君侍太母還東

共君纔得飲屠蘇何事風帆便適吳錢繩總深王母
戀升輿各得家孫扶江梅冷帶官銜色碧草青分南
浦蘆遙計回瞻知不淺重來共醉酒家湖

同姚汝良夜集汝芳宅有懷以冲

清居近市對秋缸細雨芳尊靜夜憇帶濕雲鐘聲澁
澁含陰風炬影幢幢相將綠牋咸爭媚競和陽春各

不降自社弟兄俱在目獨君迢遙滯寒江

人日城望歸飲諸社兄

春陰寂七眺睑違斜日當樓一放暉宛轉垂楊新濯
濯嘲啾語雀試飛七粘天晴雪千峰駐繞堞寒烟萬
井園鐘動歸途詩半就樽餘杯葉忍教揮

元日夕學官晏集分齊字

競市花燈照眼迷何如高閣動青藜亂移星斗縣空
爛角舞魚龍掠殿低俊昧總窮吳會勝麗游直與廣
陵齊曙鐘欲徹淹歸去此夕誰人不醉泥

戴令微詩至得化鄉霍巾書

兄弟當年意氣聞于今雙劍一時分招魂心向蘭前
動理玉情從書後慙塵市不堪重買駿窮交况復歎
離群遺編好在爲珍重老泪休令盡北雲

赴葉君嘗鄉庄途中作

荷盡新涼久注情幽期曉赴及秋晴盤堤萬柳高低
出亂眼千峰向背明稍熟天風農自得路經鄉國馬
全輕到來景色應逾好不惜清尊百盞傾

喜化卿至白霍

新秋知厚雨中臨病起依七喜不禁乍對共憐存瘦
骨向來翻笑費愁吟幕山消息應無恙滑牘栖遲可
重尋纈葉黃花風景逼且爲諸子破蕭森

中隱習靜慈雲蘭若寄懷奉答二首兼呈石公
上人

西山露下菊初黃獨樹當門隱上方揮塵幾年焦淨
業拈花一日悟空王勞生奔走窮偏得閱世交游拙
不妨獨有故人能問訊將無譚笑下禪牀

其二

新著青州不耐寒梵鐘深處露華殘逢人強自呼居士誤我將無是宰官縱酒清狂容惠遠多聞結習似阿難聽來妙義深開示獨步階庭嶺月團

同化卿隨喜靈泉蓋卿許攜榼不至

無端秋思下平原有客邀歡共欵門倒屣急須呼勝侶抱痾強欲盡深尊破雲月色分香桂送雨風颸度野鶴笑我空依梁上柱何人刻燭待王孫

秋日送化卿之霍山

天空一雁渡揚陰執手河邊送客心奔走爲憐高馬驥

骨姓名無轉重霑林雲湧正值歸途背霜葉偏從去
路深莫謂桐雲渾不念故園還有白頭吟

同化卿君節以冲集戴冕孚樓宿余僦居北城
北郭東牆咫尺聞風流當日見殷勤登樓再值新秋
敵握手偏驚累月分鴉犬幾家仍戶牖弟兄強半隔
風雲多君無酒能點我一任沉冥到夕曛

中秋夜雨

高閣經秋爽氣開擬逢今夕共徘徊無端殘雨收還
落不定鳴蟬去復來益睡世情強剪燭時愁胸緒且

卿杯坐看溝目陰雲起風響高梧一鳳哀

贈孫鏡吾

鏡吾氏余鄉文章宿伯也久清禪那晚復臂絰鈔鈔鈔遠赴秋防詩以送之

筆花落盡劍花鮮悟得塵緣卽淨緣憑取金剛百八子更攜家乘十三篇烏藤玄塵渾成戟漢月胡雲總是禪不信防邊有尊宿新題妙偈在燕然

宴益藩西園

龍山孤峙擁仙居別閣西開爽氣舒玉額金題深護竹雲繩霞笈靜兩書秋風有客過叢桂授簡何才不虛盛事歸傳欽帝葉定知招和在芙蓉

咏梅

千樹梅花雪不如開時正及雪飛初飄七盡挾風霜
氣落七猶疑星斗疎滿座春隨鄒笛轉一天香散令
公餘相看未許憇調鼎想望蒼生渴未除

其二

占盡風情香暗舒橫枝疎影繞吾廬偶因狂客驚高
卧便與開尊共著書自是歲寒堪作倡向來耳熟意
全除漢庭故事春相獻莫遣羅浮出舊居

寒食道中卽事

二月春風楊柳烟一庭花事杳茫然幾家舊恨斜陽
外無數新愁高塚邊塞俗耕驢似耕犢燕入乘馬不
乘船逢迎官吏紛持牘問道閉曹未肯前

謁陵

皇圖天保九陵雄宛轉潔蟠見壽宮王氣總纏窮塞
比雲封高接大江東珠襦兩地山河壯桑土千秋牖
戶同鑽鑰只今誰可寄憂天空自厼孤忠

二

晝漏鐘鳴寢殿張漢儀周禮肅冠裳祠官帶珮承恩

重列辟徵金符爵。怡雲護四蛇。常出沒月明。獨鶴自
翱翔。總然盼鑾通呼吸。未必尊親似上皇。

送王盡卿歸赤城

驚秋旅客動歸程。之子蕭條更遠征。客淚總翻霜葉
下。馬蹄直逐塞鴻輕。逢迎到處傾新釀。欣賞同誰喚。
落英清夜赤城回。回首望鳳山。秋老可爲情。

燕邸送友人歸里

薊門九月雪霜深。短褐臨岐淚不禁。逐電孤駒迷去
影。沒雲高雁失遺音。到時黃菊尊仍滿。別後青山夢

屢沉爲謝故人勞問訊風塵早晚急抽簪

詢三伯父時訪知白兄不值却寄

秋氣蕭瑟萬木疎茂陵遙憶病相如北窗風好仍殘
夢南極星高不照廬伏枕懷人還骨月杜門燒藥枉
圖書欲陳七發憐才少暫把金縢易子虛

辛丑夏再過舅家感賦

爭擁雕車喜欲狂經遊悲記五星霜樹深磨鹿籜邊
見藤晴山泉鑄裏藏風景疑分秦望氣威儀猶識漢
冠裳夜闌話罷升沈事自壁雙匕照渭陽

與進賢何四明文學

班生詞翰舊知名吳楚雄游迭主鹽夢就五花凝彩
筆賦成雙鳳繞青城蒼茫大漠烟雲直慘烈秋陰劍
氣橫聞道尉佗猶不靖使君早夜治長纓

七夕與友人

曉日雕車犯狹斜遙來澤國舊人家年藏山氣雲全
淨忽起霞紋月正華漭蕩世情歌一開淋漓酒態鼓
三撾烜娥歡罷還應別却妬人閒樂更奢

過馬曉公侍御古唐山莊

近郭園成景色新烟蘿繞徑可藏身隔離風雨花迎
客傍水樓臺鳥個人耽疏傳經誠足慕買山游徹總
成因與君試步大堤上霜滿青天月滿籠

飲吳體中觀察

籌筵佳氣敵高筵尊酒相看雨後天五未祥開草堂欲
落漁家烟淨月初縣玉壺寒至侵河朔銀漢秋澄逼
酒泉漫飲平原過十日還期夜載雪中船

舟中同吳容卿何康侯二太史

鶯看紫氣滿不舉荷客翩翩駕小舸天女機絲織茜

正逢玉樹插天行蔚起北窗欹枕好儲封
此會一時湖海興前阿東閣鳳將驛

贈鄰翁

風塵漂泊意初慵故舊相過啜野供應自漢陰時抱
甕望高元禮貌登龍世情黯淡雲初散飲興逍遙月

吳青芝李廉見過

幽齋雅好足相宜客至偏疑楊子栖盡日浮雲堪閉
戶蒲林秋氣好耽奇悟窮玄草名猶贅識破閑嘲解

亦非深酌共君那惜醉來朝方問尚書期

盛菊泉方伯招飲却贈

一灣溪水一箇船炎夏何當贈綺筵君自蒲團甘白石我將酒德訪青蓮籠中道士原爲佛眉嶺先生夙是禪此後彫胡堪作具相逢但可養清烟

與周岳翁

當年意氣薄風雷浪許寒儒射隼材自是青雲雄上國更將白雪傲詞臺人情漭蕩看秋雨世態蠶闌醉濁醕我去成名翁自嫁丈夫端不患無財

與用和時自外兄胡虞部歸

倦游司馬少耽奇筆札依人雅自空賦就于虛仍閉
戶名成嫂世獨哺齶虞衡官況憐如水澤國風流好
著棋爲笑驃騎輸第五已將生計看朝廩

有感

玄亭寂歷倚逡巡回首鍾陵秋思更綵筆何年雄棘
院籜冠此日傲松筠神龍已爲司空吐鷗鷺應隨海
客馴把酒呻吟懷往事霜風蕭颯亂青蘋

竹林漫興

別業初開竹樹幽
輞川佳麗一樣收
晴雲晝黑非關雨
夏日寒颺豈是秋
鳥狎疎簾門半捲
蝶穿虛牖夢同浮
醉中閉染霜毫色
劍戟交橫筆語愁

送文湛持翰撰南還兼寄姚孟常太史周蓼洲
吏部時以狀頭疏參中官降調

曉露花深紫殿高
宮袍新着氣凌霄
承恩便欲誅常侍
初服相將報聖朝
阿閣誰能來歎鳳
大江歸去怕聞鶯
中流若遇群鷗似如此風波不可招

贈方孩未侍御

才子名家賦早工西臺一入想雄風乍聞鳴鳥驚虞
閣早見批鱗出漢宮梧鳳朝陽遵極北花驄嘶雨遍
關東同鄉何幸逢同調吾道如今竟不窮

楊大洪歸里後感示惠元孺給諫二首

痛殺龍鬚攀不及幃天毒霧滿朝危觸階流血君方
見叩闕排簾宮始移北闕雨風號二祖西山霜雪
致三疑至今永夜傷心事空向乾清涕淚垂

二

孤危少主自堪憐姑息翻爲婦寺牽利口果能昏白

日祀人只恐墜皇天行吟無地終懷楚擊筑增悲竟
離燕一虎一生原是幻肯同舉國飲狂泉

送孫愷陽閣部督師關東

一天殺氣成秋色四面笳聲變羽聲忍見鯨鯢橫鴨
綠可無籌策返遼城袞衣急借周公出簾服還勞方
叔行報國有心常似擊只將龍樹乞神兵

二

丞相胡爲遠鎮邊彌成兩表出師先封疆竟可酬恩
怨鸞鳳何能混鳥鶩若過燕然應勒石倘平回紇望

朝天子戈那及人心險只恐回車不肯前

酬趙儕鶴家宰

東山鹿豕經年卧詔秉鉉衡正百官憂國可憐雙鬢
白焚香爲告寸心丹身畱一劍霜花滿話到三朝夜
月寒自分驚駘無足道何緣得顧便交歡

送魏廓闈出都門

征車遙指向荆扉分手長安木葉稀淚洒九闌俱是
血烹無五斗且攀薇忍看毒霧黃河暗一任雄鳩白
晝飛我亦蹉跎從此去相期悲嘯採芳菲

寄葬台山相公

黨錮將興思乞歸
如公當日號知幾
江湖何必分清濁
半李難明孰是非
生計青門瓜正熟
功名白髮願同逝
西行大禍猶能解
莫戀灘頭舊釣磯

檻車至濛梁時楊大洪書至

荒郊一帶慘風烟
緹騎徵車江楚聯
含淚開書猶罵喊
同心共請祇呼天
此生莫作無家別
萬死惟知有劍縣
寄語故人須早發
初期面折聖王前

五言排律

與晦軒居上

拆落看居士風流想昔賢志機鄰野鳥息踵伴枯禪
性喜愚公谷情宜大士蓮戶盈彭澤柳花滿辟疆園
卜宅纔三畝開池可一拳厨烟雲渺出山澑石中穿
嫩綠紛初染嬌紅半欲然叢林陰拂已疎竹媚娟娟
引鏡添華髮張簾繞冽泉牛羊日夕下鷗鷺晚風旋
孤客牀頭酒邀游杖底錢不知城市變那問谷陵遷
士畏題門外風高折屐前雙兒齊鳳起諸子復蟬聯
坐對河陽縣閒歌桂樹天縣壺寬日月搔首傲坤乾

鶯語堪簫鼓書聲雜管絃相皮猶潤俗揣骨已成仙
漫以三都賦聊成招隱篇

題龍眠三都館

館之設越二十年往家兄弟前後栖息其中

余稍厭雲起而子弟翻上未艾也遺簪墜
屨不可忘矧舊道場平詩二十四韻紀之

用識後勞忘

信是嘲川處雅堪玄草堂地偏心自遠徑幽景翻長
自緣當門濱青山入鏡藏楊疎斜抱郭松老咽鳴璫

鑿石邀厨渭編籬傍水央蓮分大士座桃借武陵旁
賓就啖方朔花開媚六郎風前排劍戟雨後苗旗鎗
叢菊堪充釀芙蓉半集裳參差眠怪石指點坐幽篁
展卷俄驚蝶開簾忽送香游魚翻藻出野鳥順風翔
鼠戲侵書帙花飛滿竹牀境豈穠花縣人疑是上皇
折葵堪飯客袁桂足謀梁時理峰頭屐閒乘澤國航
櫛來資美錦縱去佐雕觴日月難相計寒暄總莫傷
毓成池上鳳種得手中璋把臂龍爲友抽毫字挾霜
芝蘭生石室春草綠池塘一世遽廬寄千秋授簡場

雄飛那羈縛後舉復蹠蹠只此穠仙洞何須遠裹糧

五言絕句

新婦詞

朱簾圍綉戶錦帳復低垂妾淚流難盡郎心竟何爲

其二

明月照來好浮雲特地開月欲雲中墮郎君試一猜

其三

夜久迴華燭天明下錦茵自憐臨鏡裏不是女兒身

其四

阿嫂嫁來時懷心竊自疑此兒腸斷事莫遣小姑知

新郎詞

不學鶯鶯舞羞它燭上花請看北堂上阿娘憐阿爺
其二

人夜畏賓譁擁衾托參疾若個便關心受他真憐惜
新公姑詞

昔日爲人婦今日爲人姑不肖初來夜歡娛事有無

其二

鷄鳴天已曙公姑猶對眠傳湯先婢子不敢近牀前

方思義之集

七言絕句

旅懷

風塵不復問長安
晴雪霏七動去鞍
最是停雲多少
悵荒村日落酒杯殘

其二

去年此際上公車
此日輦七競佩褐
總足不同風色
在寒暄較昔定何如

代方君節主人送行之作

幾載公車性對夫
何當此別笑將離
深杯數擁人前

勸不復輕叱喚老奴

其二

錦障離鞍指鳳樓一時名士讓風流漢官舊道多如
妾約子提攜到御溝

初從金山自然師訪其兄松和尚

已過金山尋寶樹更從無著問天親山晴一月猶看
雪盡處山頭是上人

送倪吉旋年兄之上杭

却送襄陽又上杭翩翩仙令覩驪黃月明清夜頻回

首有客蕭條在帝鄉

其二

露華初散雪花寒簇擁旌旗夾道看不信明經有高弟漢庭自昔重兒寬

送崑海年丈之西安便道歸省

圓堂春日靜暉七仙令初歸試舞衣酌罷霞觴重命
盞輕寒次第說京畿

其二

遲比春日擁潘輿兒女牽撫盡曳裾一曲驪歌畱不

任風流漸與故園疎

其三

贍水金山天下奇仙郎標舉自相宜多情猿鶴能遲
客肯許黃華立馬窺

題友人卷

帝城葱鬱五雲飛帝子垂衣事已非萬里將難賢刺
史珮聲空逐鳳池歸

其二

璽書纔見出遐荒又渡龍章下未央不是絲綸君不

愛爲君添入作青箱

其三

春風一夕動歸櫓
有子承恩入未央
朝罷不勞天語切
起家原自是高陽

送何崑泉山人歸蜀

從今不必夢三峽
大地山河在剎那
四萬八千齊出現
本然清淨竟如何

其二

西來東渡無消息
箇匕跏趺齊面壁
有時點頭舉似

人生公有法說不得

其三

平將桐子一塊鐵幻出眉山一片雪更有神天手一
雙憑誰煉取石五色

其四

地觸平階總不妨就申真假與誰商它年黃石祠邊
過孰是張來孰是黃

其五

名可得聞不可覩其妻不識其友識天涯踏遍與誰

言但指寒山一片石

三兄還貞負質木疆少以理家務不拈書帙坎
坷且盡雲水堪娛諸子弟翩七會風雲起矣

詩八首贈之

夜煮糜蕪晝作饔盤蔬自損客來供韌墟日落車騎
散赤腳閒歸一老農

其二

鳥獸還吾不亂群裳爲薜荔籜爲帆雲邊羅綺多豪
貴身隱如今焉用文

其三

風雨滂清春可憐，揜犁擁笠薄耕田。
種成秔米粗輸稅，餘與中郎作杖錢。

其四

翩翩輕薄擁雕鞍，叱御鳴騶帶笑看。
自是芒鞋生計穩，行遲驄馬耀長安。

其五

介推有母終成隱，接輿無妻幾破狂。
自是灌園原不悔，緋縕纏纏喜得芳相將。

其六

閒歌招隱笑含飴柳長門前松長睡不把蛾眉來世
姪已將第五傲驃騎

其七

文章久已謝時名僻處非關避世情用拙自知吾道
樂鵠鵠原上聽豐已

其八

露葵朝折夢初舒秫米新芻欲醉餘話罷桑麻詢宦
况弟兄幾個薦賢書

出塞曲

障雲橫卷將星高
獵七秋風動羽旄
楊旆平明屯渭北
啞枚薄暮度臨洮

其二

羌火燒雲塞草枯
翩々獵騎海西隅
解鞍臥鼓平原上
馬千群不敢驅

入塞曲

大漠空高塵不飛
新秋塞上草猶肥
石櫓紅綻葡萄紫
博望遙馳宛馬歸

其二

玉勒雕鞍拂紫靄功名萬里一時收燕支奪後無顏
色博得綺妝少婦愁